



Nañ cocobolo bakurudeba ne okawadira ēberara taēna dārabaḷḷēa. Ēberāra bio ne okawa beasia naarāeda, mañ bēṛā idi ewaride ne okiriāniḷḷa abeda isabe kawabadaa. Mañ ne kawaara kaebeda jadiabadaa dyibarīraba. Ne odi karea ādyirāba dyi bakurura bio zarea beada jaḷḷabadaa. Mañ bakurudeba ādyi diguiḍa ne oi karea erobeādida panḷra obadyidaa. Mañ bakuru zareadeba ādyiraba obadyidaa, ābugueda, bilajujuda, baridua dewarada sida. Mañda idira ādyirāba edabadaa cocobolo bakuruda ne biya quedeada maḷgaḍeba okuaḍi karea. Ādyirāba kawasiḍade drua āibemaba mañ opeḍadara bio awa edabadada auḍuara opanesidaa animarā zakeka beada nedobuedi karea.

Ēberarāba idyaḅa nonamarāḅḷḷa bakurudeba biya ne o kawa panḷā. Baribḷḷa auḍuara biya obadaa nonamarāba. Baribḷḷa mañ ne bia keḍeada odi karea naāra adjirābamea wānapeda jaḷḷabadaadyi bakuru drōa baḍada. Bio tamñ wābadaa jaḷḷe, unusidara kōa ḷṛakuabadaa diguiḍaa edeedi karea ādyia edeekīriāḅadada zōkarā.

Diguiḍa jūpeḍada karea wagabadaa de edrekare bio pōasa ḅḷmaa. Mañ awara ara mañda jaḷwa obada ādyia o kirāḅadada opaneni karea. Ādyirāba jarabadaa mañ bakurura kīra kakua ūbea panḷda, dyi paimada, dyi kuarada idyaḅa dyi paima paimaada ḅḷda. Idi ewaride nañ bakuru oḍara ewariza neḅlara nedobue wāḅadaa. Ara mañ kirāka zokarā warraraba neo kawa wāḅadaa oḍapeda nedobuedi karea.

Mañda obadaa chibiguḍa, pusa beḍa beada, jepāda, koreda, baḷḷḷa, ībisuda nejōḅḷ dromada, yarreda, ḅḷchada. Mañ bakuru oḍara bio biya keḍebaribēra dewara druadeba zepedadaba bio awa edabadaa ādyi druadaa edeedi karea. Baribḷḷa ara mañ kīṛaca awa edabadaa ara nañ panama janebemarābiḍa. Mañ bēra nañ bakuru cocobolora ēra iteara bio dyi biada kirua.